

大唐開元禮



大唐開元禮



大唐開元禮卷第二十二

吉禮

皇帝臘日蜡百神於南郊

齋戒

陳設

鑾駕出宮

奠玉帛

進熟

鑾駕還宮

齋戒

先期五日皇帝散齋三日致齋二日如園丘之儀凡

預祀之官散齋三日致齋二日

散齋皆於正寢致齋一日於本司一日於

祀所其無本司者皆於祀所

近侍之官應從升者及從祀羣官諸

方客使各於本司及公館俱清齋一宿

無本司者各於家正寢

散齋理事如舊惟不弔喪問疾不作樂不判署刑殺
文書不行刑罰不預穢惡致齋惟祀事得行其餘悉
斷其祀官已齋而闕者通攝行事光祿卿監取明水
火太官令取水於陰鑒取火於陽燧火以供爨水以實尊前蜡一日諸衛令其
屬未後一刻各以其方器服守衛墻門與太樂工人
俱清齋一宿

陳設

前蜡三日尚舍直長施大次於外墻東門之內道北
南向尚舍奉御鋪御座衛尉設陳饌幔於內墻東門
西門之外道東西向東方南方之饌陳於東門外西方及西方之饌陳於西門外

北方之饌陳
於北門外

設文武侍臣次又設祀官及從祀羣官

諸州使人蕃客等次 前蜡二日太樂令設宮懸歌

鐘歌磬皆如園丘之儀右校埽除壇之內外郊社令

積柴於燎壇

其壇於神壇之
左內壝之外

方八尺高一丈開上南

出戶方三尺右校又爲瘞陷於壇之壬地內壝之外

方深取足容物南出陛 前蜡一日奉禮設御位及

望燎位祀官從祀羣官諸州使人蕃客等位於壝門

外皆如園丘之儀設日月酒尊之位大明太尊二著

尊二壘一在壇上於東南隅北向夜明太尊二著尊

二壘一在壇上西南隅北向神農氏伊耆氏各著尊

二各於其壇上五星五官后稷各象尊二七宿田畯

龍麟朱鳥騶虞玄武各壺尊二鱗羽羸毛介等散尊

二俱設於神座之左而右向五方嶽鎮海瀆俱山尊

二山林川澤俱蜃尊二丘陵墳衍原隰井泉墉坊郵

表畷於菟貓等俱散尊二各設於神座之右而左向

伊耆氏以上之尊置於垣星辰以下之尊俱藉以席皆加勺幕設爵於尊下設御洗於壇

南陞東南亞獻之洗又於東南俱北向罍水在洗東

篚在洗西南肆篚實以巾爵設分獻罍洗篚幕各於其方

陞道之左右俱內向執尊罍篚幕者各於尊罍篚幕

之後各設玉幣之篚於壇之上下尊坫之所 晡後

謁者先引光祿卿詣廚視濯漑又謁者引諸祀官詣

廚省饌具訖還齋所 蜡日未明十刻太官令帥宰

人以鸞刀割牲祝史以豆取毛血置於饌所遂烹牲

日青牲一月白牲一其餘方各少牢一 未明五刻太史令郊社令升設

日月神座於壇上大明於北方少東夜明於大明之

西俱南向席皆以藁秸神農氏伊耆氏神座各於其

壇上俱內向設后稷神座於壇東西向設五官田畯

之座各於其方設五星十二次二十八宿五嶽四鎮

四海四瀆山林川澤丘陵墳衍原隰井泉神座各於

其方之壇其五方神獸鱗羽羸毛介水墉坊郵表畷

於菟貓等之座各於其方壇之後俱內向相對爲首
自神農氏伊耆氏以下一百九十座席皆以莞設神
位各於座首

鑾駕出宮如園丘之儀

奠玉帛

蜡日未明三刻諸祀官各服其服郊社令良醞令各

帥其屬入寶尊罍玉幣

凡尊之次太尊爲上實以醴齊著尊次之實以盎齊神農

伊耆氏之著尊實以盎齊五星三辰五官后稷田畯

之象尊俱實以醴齊七宿之壺尊實以沈齊五方嶽

鎮海瀆之山尊實以醴齊山川林澤之蜃尊實以沈

齊丘陵以下之散尊實以清酒玄酒各實於諸座之

上尊禮神之玉大明夜明俱以圭璧大明之幣以青

夜明之幣以白神農氏幣以赤伊耆氏幣以玄五星

以下之幣各從方色太官令帥進饌者實諸籩豆簋簠各設於

內壝之外饌幔內未明二刻奉禮帥贊者先入就

位贊引引御史博士諸太祝及令史祝史與執尊壘

筐冪者入自東門當壇南重行北面以西爲上凡引

每曲一立定奉禮曰再拜贊者承傳凡奉禮有辭贊者皆承傳御

史以下皆再拜訖執尊者升自東陛立於尊所壇下

執尊壘筐冪者各就位贊引引御史博士諸太祝詣

壇東陛升行埽除於上令史祝史升行埽除於下訖

引降就位駕將至謁者贊引各引祀官通事舍人分

引從祀羣官諸方客使先置者俱就門外位駕至大

次門外迴輅南向千牛將軍降立於輅右侍中進當
鑾駕前跪奏稱侍中臣某言請降輅俛伏興還侍位
皇帝降輅之大次繖扇華蓋侍衛如常儀太樂令帥
工人二舞次入就位文舞入陳於懸內武舞立於懸
南道西謁者引司空入就位立定奉禮曰再拜司空
再拜訖謁者引司空詣壇東陞升行埽除於上降行
樂懸於下訖引復位皇帝停大次半刻頃謁者贊引
各引祀官通事舍人分引從祀羣官介公鄴公諸方
客使先入就本位太常博士引太常卿立於大次門
外當門北面侍中版奏外辦皇帝服玄冕出次華蓋

侍衛如常儀

侍中負寶
陪從如式

博士引太常卿太常卿引皇

帝

凡太常卿前導
皆博士先引

至內壝門外殿中監進大圭尙衣

奉御又以鎮圭授殿中監殿中監受進皇帝搢大圭

執鎮圭華蓋仗衛停於門外近侍者從入如常謁者

引禮部尙書太常少卿陪從如常儀皇帝至版位西

向立

每立定太常卿與
博士退立於左

謁者贊引各引祀官以次入

就位立定太常卿奏稱請再拜退復位皇帝再拜奉

禮曰眾官再拜眾官在位者皆再拜

其先拜
者不拜

太常卿

前奏有司謹具請行事退復位協律郎跪俛伏舉麾

凡取物者皆跪俛伏而取以興
奠物則跪奠訖俛伏而後興

鼓祝樂作無射夷則

奏永和蕤賓姑洗太簇奏順和黃鍾奏豫和凡六均

均一成俱以文舞之舞訖偃麾戛敔樂止

凡樂皆協律郎舉麾

工鼓祝而後作偃麾戛敔而後止

太常卿前奏稱請再拜退復位皇

帝再拜奉禮曰眾官再拜眾官在位者皆再拜上下

諸太祝俱取玉幣於篚各立於尊所太常卿引皇帝

太和之樂作

皇帝每行皆作太和之樂

皇帝詣壇升自南陛侍中

中書令以下及左右侍衛量人從升

以下皆如之

皇帝升

壇北向立樂止太祝以玉幣授侍中侍中奉玉幣西

向進皇帝搢鎮圭受玉幣

凡受物皆搢鎮圭奠訖執圭俛伏興

登歌作

肅和之樂乃以大呂之均太常卿引皇帝進北面跪

奠於大明神座俛伏興太常卿引皇帝少退北向再拜訖太常卿引皇帝少退西北向立又太祝以玉幣授侍中侍中奉幣東向進皇帝受幣太常卿引皇帝進北面跪奠於夜明神座俯伏興太常卿引皇帝少退北向再拜訖登歌止太常卿引皇帝樂作皇帝降自南陛還版位西向立樂止皇帝初奠夜明幣諸祝各奉其幣進跪奠於各神座還尊所初羣官拜訖祝史各奉毛血之豆立於門外於登歌止祝史奉毛血入俱由南陛升諸太祝迎取於壇上俱進奠於神座前諸太祝與祝史退立於尊所

進熟

皇帝既升奠玉幣太官令出帥進饌者奉饌各陳於內壝門外謁者引司徒出詣饌所司徒奉大明之俎初皇帝既至版位樂止太官令引饌入俎初入門雍

和之樂作以黃鍾之均

自後酌獻皆奏雍和之樂

饌至陛樂止祝

史皆進跪徹毛血之豆降自東陛以出饌升諸太祝

迎引於壇上各設於神座前

籩豆蓋冪先徹乃升籩簋既奠卻其蓋於下

設訖謁者引司徒以下降自東陛復位太祝各還尊

所又進設神農氏以下之饌相次而畢初壇上設饌

訖太常卿引皇帝詣罍洗樂作皇帝至罍洗樂止侍

中跪取匱興沃水又侍中跪取盤興承水皇帝盥手
黃門侍郎跪取巾於匱興進皇帝悅手黃門侍郎受
巾跪奠於匱黃門侍郎又取匏爵於匱興進皇帝受
爵侍中酌鬯水又侍中奉盤興承水皇帝洗爵黃門
侍郎又授巾皆如常儀皇帝拭爵訖侍中奠盤匱黃
門侍郎受巾奠於匱皆如常儀太常卿引皇帝樂作
皇帝詣壇升自南陛訖樂止謁者引司徒升自東陛
立於尊所齋郎奉俎從升立於司徒之後太常卿引
皇帝詣大明酒尊所執尊者舉冪侍中贊酌醴齊訖
壽和之樂作

皇帝每酌獻及飲
福皆作壽和之樂

太常卿引皇帝進大

明神座前北面跪奠爵俛伏興太常卿引皇帝少退
北向立樂止太祝持版進於神座之左西面跪讀祝
文曰維某年歲次月朔日子嗣天子臣某敢昭告於
大明惟神晷耀千里精烜萬物覺寤黎烝化成品彙
今璇璣齊運玉燭和平六府孔脩百禮斯洽謹以玉
帛犧齊粢盛庶品致其燔燎尚饗訖興皇帝再拜初
讀祝文訖樂作太祝進跪奠版於神座興還尊所皇
帝拜訖樂止太常卿引皇帝詣夜明酒尊所執尊者
舉冪侍中取匏爵於坫進皇帝受爵侍中贊酌醴齊
訖樂作太常卿引皇帝進夜明神座前北面跪奠爵

俛伏興太常卿引皇帝少退北向立樂止太祝持版
進於神座之右東面跪讀祝文曰維某年歲次月朔
日子嗣天子臣某敢昭告於夜明惟神貞此光華恆
茲盈減表斯寒暑節以運行對時育物登成是賴豐
年之報式備恆禮謹以制幣犧齊粢盛庶品致其燔
燎尚饗訖興皇帝再拜初讀祝文訖樂作太祝進跪
奠版於神座興還尊所皇帝拜訖樂止太常卿引皇
帝少退東當兩座閒北向立樂作太祝各以爵酌上尊
福酒合置一爵一太祝持爵授侍中侍中受爵西向
進皇帝再拜受爵跪祭酒啐酒奠爵俛伏興太祝帥